



Malene Vahl Rasmussen
Inatsisartunut ilaasortaq, Demokraatit

§ 37 naapertorlugu apeqquteqaatip 264/2018-iup akissuteqarfigineqarnera

17-10-2018
Sags nr. 2018 - 20251
Akt nr. 8964685

- 1. Nakorsat peqqissaasullu sapaatip akunnerini arlalialunnguani paarlattaasartut kiisalu qaammatini pingasuni Kalaallit Nunaanni paarlattaasartut qanormita immikkut tamarmik akissaateqartinneqartarpat aamma nakorsat peqqissaasullu aalajangersimasumik atorfeqartinneqartut qanormita akissaateqarpat? Akissutit kisitsisinnorlugit skemamut inissitsiteqquneqarput assersuunnissaat periarfissaqarniassammat.**

Postboks 1160
Tlf: 34 50 00
Fax: 34 55 05
3900 Nuuk

Email: pn@nanooq.gl
www.naalakkersuisut.gl

Akissut:

Nakorsat peqqissaasullu aalajangersimasumik atorfilinnut kiisalu piffissami sivikitsumi atorfeqartinneqartunut akissaatigineqartut isumaqatigiissutit malillugit inissinneqartarput, taamaakkaluartorli qanoq sivisutigisisumik atorfeqarsimaneq, immikkut ilinniarsimaneq kiisalu pigaartuunermut ilassuteqarnerit peqqutaallutik assigiinngiiaarsinnaallutik. Isumaqatigiissutinik sukumiisumik misissuisoqaqaarluni apeqqutigineqartoq itinerusumik akissuteqarfigineqarsinnaavoq, tamannalu pisinnaangilaq §37-imut tunngatillugu akissuteqarnermi.

Isumaqatigiissutit Naalakkersuisut.gl –ikkut nassaarineqarsinnaapput.

Peqqissaasut nakorsallu paarlattaasussarsiorfiit (vikarbureau) atorlugit pissarsiarineqarsimasut akissaateqartinniarneqarneri assersuutigalugu nakorsap paarlattaasussarsiorfiullu akornanni isumaqatigiissutaareersimasarpoq, taamaattumillu taakkununga atatillugu akissaatigineqartut paasissutissiissutigineqarsinnaanatik. Peqqinnissaqarfimminngaanniit paarlattaasussarsiorfik isumaqatigiissusiorfigineqarsimavoq, tassanilu isumaqatigiissutit malillugit ullormut aalajangersimasumik akissaateqartitsisoqartarpoq. Paasissutissiissutigineqarsinnaavorli nakorsaq paarlattaasussarsiorfiit aqqutigalugit sulisinneqartoq nakorsamut aalajangersimasumik atorfeqartinneqartumut sanilliullugu aningaasartuutit marloriaatipajaamik annertunerusarmata. Peqqissaasunut paarlattaasussarsiorfiit aqqutigalugit sulisinneqartartut eqqarsaatigalugit aningaasartuutit taakkununga affaata missaanik qaffasinnerupput.

- 2. Akissaatit assigiinngittarnerlutik apeqqutaalluni nunap ilaani sumi nakorsatut peqqissaasutullu atorfinitsitaasoqarnerisooq?**

Akissut:

Peqqissasut akissaateqartinneqarneranut tunngatillugu nunap ilaani sumi peqqissaasutut atorfeqartinneqarneq apeqqutaalluni assigiinngisitaarsinnaasarput. Assersuutigalugu nunaqarfinni napparsimaveeqqani peqqissaasut akissaateqartinneqarneri qaffasinnerupput peqqinnissaqarfinni peqqissaasusunut sanilliutissagaanni.

Nakorsanut tunngatillugu akissaatigitinneqartup nunap ilaani sumiiffik tunngavigalugit allaassuteqanngillat, taamaakkaluatorli peqqinnissaqarfinni nakorsat amerlassusaat aallaavigalugit assigiinngissinnaasarlutik. Assersuutigalugu peqqinnissaqarfinni nakorsat qitiusumik peqqinnissaqarfinniittuninngaanniit tapeqarnerusartut.

3. Paarlatsitut atorfinitsitaanermut atatillugu suut ajunngitsorsiat ilaatinneqartarpat? (uani eqqarsaatigaakka angalanerit, maani sulinerminni ineqarnermut akiliisarnersut, ullormusiaqartarpat il.il.). Ajunngitsorsiat tamarmik ilannguteqquneqarput.

Akissut:

Peqqinnissaqarfiup iluani atorfilinnut tamanut atorfininnermi soraarniuteqarnermilu angalasinnaanermut peqqinnissaqarfimminngaanniit matussusiisoqartarnera atuutsinneqarpoq. Kiisalu atorfillit atorfeqarnerminnut atatillugu inissaqartinneqartut tamarmik ineqarnerminnut inatsisit malillugit akiliisarput.

Eqimattani tamani ullormusiaqartitsisoqarneq ajorpoq.

4. Aalajangersimasumik atorfeqartitaasunit atorfimmut atatillugu inissiat qassit atorineqarpat aamma paarlattaasartunit qassit atorineqarpat?

Akissut:

Peqqinnissaqarfimmi aalajangersimasumik atorfeqartitaasunut atorfimmut atatillugu inissiat 226-it atorineqarput. Taakkunanniilli sisamat inigineqarsinnaanngillat oqoqarneri peqqutaallutik.

Taakkualu saniatigut Peqqinnissaqarfimminngaanniit 158-it inissikkallarfitut atorineqartarput. Taakkunanniillu inissiat arfineq-marluk inigineqarsinnaanngillat oqoqarneri nutarterneqarneriluunniit peqqutaallutik.

5. Peqqissaasut nakorsallu atofeqarvissut qassit initaavinnissamik tungaanut utaqqiisaagallartumik ineqartinneqarpat utaqqillugu atorfimminnut atatillugu initaartinneqarnissartik?

Akissut:

Ullumikkut peqqissaasut 17-it nakorsallu tallimat Nuummi initaavinnissaminnut utaqqipput.

Illassutitullu paasissutissiissutigisinnaavarput aalajangersimasumik Nuummi atorfillit ataani allattorsimasut aamma initaavinnissaminnut utaqqsuniittut:

- Aaviisut marluk
- Portørit sisamat
- Radiografi ataaseq
- Juumooq ataaseq
- Pillorissaasut marluk
- Nakorsanut allatsit marluk
- Tagiartuisartut marluk
- Nakorsaatilerisoq
- Perorsaanermut siunnersorti ataaseq
- Nerisassiornermi ikiortit pingasut
- Kigutileriffimmi ikiorti ataaseq

- Social – og sundhedsassistetit pingasut
- Maskiinalerisoq ataaseq

Inussiarnersumik inuulluaqqusillunga
Med venlig hilsen


Doris J. Jensen